


TIFFEN Color Control Patches
© The Tiffen Company 2007



112.179
112.179
112.179


東坡集卷之七十八

詩

古今體四十八首

岐亭五首 并敘

元豐三年正月余始謫黃州至岐亭北二十五里山上有白馬
 青蓋來迎者則余故人陳慥季常也為留五日賦詩一篇而去
 明年正月復往見之季常使人勞余於中途余久不殺恐季常
 之為余殺也則以前韻作詩為殺戒以遺季常季常自爾不復
 殺而岐亭之人多化之有不食肉者其後數往見之往必作詩



眉
 蘇軾東坡氏著



詩必以前韻凡余在黃四年三往見季常而季常七來見余蓋相從百餘日也七年四月余量移汝州自江淮徂徠送者皆止慈湖而季常獨至九江乃復用前韻通爲五篇以贈之

其一

昨日雲陰重東風融雪汁遠林草木暗近舍煙火濕下有隱君子嘯歌方自得知我犯寒來呼酒意頗急附掌動鄰里遶村捉鵝鴨房櫳鏘器聲蔬果照巾幕久聞蔓蒿美初見新芽赤洗盞酌鵝黃磨刀削熊白須臾我徑醉坐睡落巾幘醒時夜向闌唧唧銅餅泣黃州豈云遠但恐朋友缺我當安所主君亦無此客朝來靜菴中

惟見峰巒集

其二

我哀籃中蛤閉口護殘汁又哀網中魚開口吐微濕割腸彼交病過分我何得相逢未寒溫相勸此最急不見虛懷慎丞壺似丞鴨坐客皆忍笑鬢然發其慕不見王武子每食刀機赤琉璃載丞豚中有人乳白盧公信寒迺衰髮得滿帽武子雖豪華未死神已泣先生萬金璧護此一蟻缺一年如一夢百歲真過客君無廢此篇

嚴詩編杜集

其三

君家蜂作窠歲歲添漆汁我身牛穿鼻卷舌聊自濕二年三過君
此行真得得愛君似劇孟卽門知緩急家有紅頰兒能唱綠頭鴨
行當隔簾見花霧輕疊疊爲我取黃封親拆官泥赤仍須煩素手
自點葉家白樂哉無一事十年不蓄幘閉門弄漆丁哇笑雜呱泣
西方正苦戰誰補將帥缺披圖見八陣合散更主客不須親戎行
坐論教君集

其四

酸酒如羹湯甜酒如蜜汁三年黃州城飲酒但飲濕我如更揀擇
一醉豈易得幾思壓茅柴禁網日夜急西鄰推甕盎醉倒猪與鴨
君家大如掌破屋無遮幕何從得此酒冷面妬君赤定應好事人
千石供李白爲君三日醉蓬髮不暇幘夜深欲逾垣臥想春甕泣
君奴亦笑我鬢齒行禿缺三年已四至歲歲遭惡客人生幾兩屐
莫厭頻來集

其五

枯松強鑽膏槁竹欲瀝汁兩窮相值遇相哀莫相濕不知我與君
交遊竟何得心法幸相語頭然未爲急願爲穿雲鶴莫作將雛鴨
我行及初夏煮酒映疏幕故鄉在何許西望千山赤茲遊定安歸
東泛萬頃白一歡寧復再起舞花墮幘將行出苦語不用兒女泣

吾非固多矣君豈無一缺各念別時言閉戶謝衆客空堂淨掃地
虛白道所集

郭祥正家醉畫竹石壁上郭作詩爲謝且遺古銅劍二
空腸得酒芒角出肝肺槎牙生竹石森然欲作不可回吐向君家
雪色壁平生好詩仍好畫書牆凝壁長遭罵不嗔不罵喜有餘世
間誰復如君者一雙銅劍秋水光兩首新詩爭劍鏃劍在床頭詩
在手不知誰作蛟龍吼

去歲九月二十七日在黃州生子名遜小名幹兒顧然穎異
至今年七月二十八日病亡於金陵作二詩哭之

吾年四十九羈旅失幼子幼子真吾見眉角生已似未期觀所好
蹣跚逐書史搖頭却梨栗似識非分耻吾老常鮮歡賴此一笑喜
忽然遭奪去惡業我累爾衣薪那免俗變滅須臾耳歸來懷抱空
老淚如瀉水

其二

我淚猶可拭日遠當日忘母哭不可聞欲與汝俱亡故衣尙懸架
漲乳已流床感此欲忘生一臥終日僵中年忝聞道夢幻講已詳
儲藥如丘山臨病更求方仍將恩愛刃割此衰老腸知迷欲自反
一慟迭餘傷

同王勝之游蔣山

到郡席不暖居民空惘然好山無十里遺恨恐他年欲款南朝寺

同登北郭船朱門收畫戟紺宇出青蓮荆公宅已為寺夾路蒼髯古迎人

翠麓偏龍腰蟠故國鳥爪寄曾巖竹杪飛華屋松根泣細泉峰多

巧障日江遠欲浮天畧約橫秋水浮屠插暮煙歸來踏人影雲細

月娟娟

至真州再和

老手王摩詰窮交孟浩然論詩曾伴直話舊已忘年北上難陪驥

東行且趁船離亭花映肉醉眼鷺窺蓮花轉三山沒風回五兩偏

荒祠過瓜步古甃墜松巔聞道清香閣新筍白玉泉莫教門掩夜

坐待月流天小院檀槽開空庭樺燭煙公詩便堪唱為付小嬋娟

眉子石硯歌與胡閭

君不見成都畫手開十眉橫雲却月爭新奇游人指點小鑿處中

有漁陽胡馬嘶又不見王孫青瑣橫雙碧腸斷浮空遠山色書生

性命何足論坐費千金買消渴爾來喪亂愁天公謫向君家書硯

中小窻虛幌相嫵媚令君曉夢生春紅毗耶居士談空處結習已

空花不住試教天女為磨鉛千偈瀾翻無一語

送金山鄉僧歸蜀開堂

東坡全集卷之二十八
五
撞鐘浮玉山迎我三千指衆中聞警歎未語知鄉里我非箇中人
何以默識子振衣忽歸去隻影千山裏涪江與中泠共此一味水
冰盤薦琥珀何似糖霜美

秦少游夢發殯而葬之者云是劉發之柩是歲發首 薦秦
以詩賀之劉涇亦作因次其韻

君看三代士執雉本以殺身爲小補居官歿職戰歿綏夢尸得官
真古語五行勝已斯爲官官如草木吾如士仕而未祿猶賓客待
以純臣蓋非古儗焉曰獻稱寡君豈比公卿相爾汝世衰道微士
失已得喪悲懼反其故草袍蘆葦相嫵媚飲酒嬉遊事羣聚曲江
船舫月燈毬是謂舞殯而歌墓看花走馬到東野餘子紛紛何足
數二生年少兩豪逸詩酒不知軒冕苦故令將仕夢發棺勸子勿
爲官所腐塗車芻靈皆假設著眼細看君勿誤時來聊復一飛鳴
進隱不須煩伍舉

徐大正閑軒

冰蠶不知寒火鼠不知暑知閑見閑地已覺非閑侶君看東坡翁
懶散誰比數形骸墮醉夢生事委塵土早眠不見燈晚食或欺午
臥看瓊取盜坐視麥漂雨語希舌頰強行少腰脚僂五年黃州城
不踏黃州鼓人言我閑客置此閑處所問閑作何味如眼不自覩

東坡集卷之八
頗訝徐孝廉得閑能幾許
介子願奉使翁歸備文武
應緣不耐閑
名字挂庭宇
我詩爲閑作
更得不閑語
君如汗血駒
轉盼略燕楚
莫嫌鑿路重
終勝鹽車苦

蒜山松林中可卜居
余欲僦其地地屬金山
故作此詩與金

山元長老

魏王大瓠無人識
種成何翅實五石
不辭破作兩大尊
只憂水淺
江湖窄我材
護落本無用
虛名驚世終何益
東方先生好自譽
孟賁子路并爲一
杜陵布衣老且愚
信口自比契與稷
暮年欲學柳下惠
嗜好酸鹹不相入
金山也是不羈人
早歲聞名聊相得我醉
而嬉欲仙去
旁人笑倒山謂實
問我此身何所歸
笑指浮休百年宅
蒜山幸有閑田地
招此無家一房客

高郵陳直躬處士畫鴈二首

野鴈見人時
未起意先改
君從何處看得此
無人態無乃槁木形
人禽兩自在
北風振枯葦
微雪落瓊瓊
慘淡雲水昏
晶熒沙礫碎
弋人悵何暮
一舉渺江海

其二

衆禽事紛爭
野鴈獨閑潔
徐行意自得
俯仰若有節
我衰寄江湖
老伴雜鴉鳴
作畫問陳子
曉景畫蒼雪
依依聚圓沙
稍稍動斜月

先鳴獨鼓翹吹亂蘆花雪

次韻王定國南遷回見寄

土量銅花蝕秋水要須悍石相礪祇十年冰蘖戰膏梁萬里煙波
濯純綺歸來詩思轉清激百丈空潭數魴鯉逝將桂浦擷蘭蓀不
記槐堂收劍履却思庾嶺今何在更說彭城真夢耳來詩述彭城舊游君
知先竭是甘井我願得全如苦李安心不復九回腸至道終當三
洗髓廣陵羨何足較只有無何真我里余買田陽羨來詩以為不如廣陵樂全
老子今禪伯張安道也定國其壻掣電機鋒不容擬心通豈復問云何印可
聊須答如是相逢為我話畱滯桃花春漲孤舟起

贈梁道人

採藥壺公處處過笑看金狄手摩挲老人大父識君久造物小兒
如子何寒盡山中無歷日雨斜江上一漁簑神僊護短多官府未
厭人間醉踏歌

孫莘老寄墨四首

原選二

我貧如饑鼠長夜空齧齧瓦池研竈煤葦管書柿葉近者唐夫子
遠致烏玉玦唐林夫寄張遇墨半瓦先生又繼之圭壁爛箱篋清窻洗硯坐
虵蚓稍蟠結便有好事人敲門求醉帖

吾窮本坐詩久服朋友戒五年江湖上閉口洗殘債今來復稍稍

快養如爬疥先生不譏訶又復寄詩械幽光發奇思點黥出荒怪
詩成自一笑故疾逢鰕蟹

漁父四首

漁父飲誰家去魚蟹一時分付酒無多少醉爲期彼此不論錢數
漁父醉蓑衣舞醉裏却尋歸路輕舟短棹任斜橫醒後不知何處
漁父醒春江午夢斷落花飛絮酒醒醉還醒醉醒一笑人間今古
漁父笑輕鷗舉漠漠一江風雨江邊騎馬是官人借我孤舟南渡

贈眼醫王生彥若

鍼頭如麥芒氣出如車軸間關絡脉中性命寄毛粟而況清淨眼
內景含天燭琉璃貯沆瀣輕脆不任觸而子於其間來往施鋒鏃
笑談紛自若觀者預爲縮運鍼如運斤去翳如拆屋常疑子善幻
他技雜符祝子言吾有道此理君未矚形骸一塵垢貴賤兩草木
世人方重外妄見瓦與玉而我初不知刺眼如刺肉君看目與翳
是翳要非目目翳苟一物易分如麥菽寧聞老農夫去草更傷穀
鼻端有餘地肝膽分楚蜀吾於五輪間蕩蕩見空曲如行九軌道
並驅無擊轂空花誰開落明月自臚胸請問樂全堂忘年老尊宿

彥若樂門下
全先生醫也

寄吳德仁兼簡陳季常

東坡先生無一錢十年家火燒凡鈔黃金可成河可塞只有霜鬢
無由玄龍丘居士亦可憐談空說有夜不眠忽聞東獅子吼拄杖
落手心茫然誰似濮陽公子賢飲酒食肉自得仙平生寓物不留
物在家學得忘家禪門前罷亞十頃田清溪遶屋花連天溪堂醉
臥呼不醒落花如雪春風顛我遊蘭溪訪清泉已辨布襪青行纏
稽山不是無賀老我自興畫舸酒船恨君不識顏平原恨我不識
元魯山銅駝陌上會相見握手一笑三千年

書林逋詩後

吳儂生長湖山曲呼吸湖光飲山滌不論世外隱君子傭兒販婦
皆冰玉先生可是絕俗人神清骨冷無由俗我不識君曾夢見瞳
子瞭然光可燭遺篇妙字處處有步繞西湖看不足詩如東野不
言寒書似西臺差少肉平生高節已難繼將死微言猶可錄自言
不作封禪書更肯悲吟白頭曲逋臨終詩云茂陵異日求遺草猶喜初無封禪書我笑
吳人不好事好作祠堂傍脩竹不然配食水仙王一盞寒泉薦秋
菊

送竹几與謝秀才

平生長物擾天真老去歸田只此身畱我同行木上坐贈君無語
竹夫人但隨秋扇年年在莫鬪瓊枝夜夜新堪笑荒唐玉川子暮

年家口若爲親

楊康功有石狀如醉道士爲賦此詩

楚山固多猿青者黠而壽化爲狂道士山谷恣騰蹂誤入華陽洞
竊飲茆君酒君命囚巖間巖石爲械杻松根絡其足藤蔓縛其肘
蒼苔眯其目叢棘哽其口二年化爲石堅瘦蔽瓊玖無復號雲聲
空餘舞杯手樵夫見之笑抱贖易升斗楊公海中仙世俗那得友
海邊逢姑射一笑微俛首胡不載之歸用此頽且醜求詩紀其異
本末得細剖吾言豈妄云得之亡是叟

海市并敘

予聞登州海市舊矣父老云常出於春夏今歲晚不復見矣予
到官五日而去以不見爲恨禱於海神廣德王之廟明日見焉
乃作此詩

東方雲海空復空羣仙出沒空明中蕩搖浮世生萬象豈有貝闕
藏珠宮心知所見皆幻影敢以耳目煩神工歲寒水冷天地閉爲
我起螿鞭魚龍重樓翠阜出霜曉異事驚倒百歲翁人間所得容
力取世外無物誰爲雄率然有請不我拒信我人厄非天窮潮陽
大守南遷歸喜見石廩堆祝融自言正直動山鬼豈知造物哀龍
鍾信眉一笑豈易得神之報汝亦已豐斜陽萬里孤鳥沒但見碧

東坡集卷十一
海磨清銅新詩綺語亦安用相與變滅隨東風

登州孫氏松堂

萬松誰種已樅樅半嶺蒼雲映此邦露重珠纓蒙翠蓋風來石齒
破寒江浮空兩竹橫南閣倒景扶桑射北窻坐待夕烽傳海嶠重
城歸去踏逢逢

惠崇春江曉景

竹外桃花三兩枝春江水暖鴨先知萋萋滿地蘆芽短正是河豚
欲上時

次韻周邠

南遷欲舉力田科三徑初成樂事多豈意殘年踏朝市有如疲馬
畏陵坡羨君同甲心方壯笑我無聊髮已皤何日西湖尋舊賞淡
煙疎雨暗漁簑

次韻胡完夫

青山別淚尚爛斑十載江湖困抱關老去上書還北關朝來拄笏
望西山相從盃酒形骸外笑說平生醉夢間萬事會須吞伯始白
頭容我占清閑

次韻朱光庭初夏

朝罷人人識鄭崇直聲如在履聲中臥聞疎響梧桐雨獨詠微涼

東坡全集卷之六
三
殿閣風諫死君方續承業醉鄉我欲訪無功陶然一枕誰呼覺牛
蟻新除病後聰

送賈訥倅眉

老翁山下玉淵回手植青松三萬栽父老得書知我在小軒臨水
爲君開試看一一龍蛇活更聽蕭蕭風雨哀便與甘棠同不剪蒼

髯白甲待歸來

先君葬於墓顧山之東二十餘里地名
老翁泉君許爲一往感嘆之深故及

送楊孟容

我家峨眉陰與子同一邦相望六十里共飲玻璃江江上不違人
遍滿千家窻但苦窻中人寸心不自降子歸治小國洪鐘噓微撞

我畱侍玉坐弱步欲豐扛後生多高才名與黃童雙不肯入州府
故人餘老龐慙慙與問訊愛惜霜眉龐何以待我歸寒醅發春缸

趙令晏崔白大圖幅徑三丈

扶桑大壘如甕盎天女織綃雲漢上往來不遣鳳銜梭誰能鼓臂
投三丈人間刀及不敢裁丹青付與濠梁崔風蒲半折寒鴈起竹
間的磔橫江梅畫堂粉壁翻雲幕十里江天無處著好臥元龍百
尺樓笑着江水拍天流

次韻張昌言給事省宿

馮顛久已歛殘雪戎眼何曾眩落暉朔野按行猶雀躍東臺瞑坐

覺鳥飛道家有鳥飛入兔宮之說漫誇年少客吾在樂天詩云猶有誇張少年處笑呼張丈喚殷兄若

鬪樽前舉世稀待向松陽求水竹一犁煙雨伴公歸

次韻曾子開從駕

街槐綠間雨初勻瑞霧香風滿後塵清廟幸同觀濟濟豐年喜復接陳陳雍容已壓天庖賜俯伏初賞貢茗薪輦路歸來聞好語共驚堯顙類高辛

次韻劉貢父獨直省中

明窻畏日曉先暎高柳鳴蜩午更喧筆老新詩疑有物心空客疾本無根隔墻我亦眠風榻上馬君先瑣月軒其喜早歸三伏近解

衣盤礴亦君恩

書皇親畫扇

十年江海寄浮沉夢繞江南黃蘗林誰謂風流貴公子筆端還有

五湖心

書李世南所畫秋景

野水參差落漲痕疎林欹側出霜根扁舟一棹歸何處家在江南黃葉村

書鄴陵王主簿所畫折枝二首

論畫以形似見與兒童鄰賦詩必此詩定非知詩人詩畫本一律

天工與清新邊鸞雀寫生趙昌花傳神何如此兩幅疎澹含精勻
誰言一點紅解寄無邊春

其二

瘦竹如幽人幽花如處女低昂枝上雀搖蕩花間雨雙翎決將起
衆葉分自舉可憐採花蜂清蜜寄兩股若人富天巧春色入毫楮
懸知君能詩寄詩求妙語

故李承之待制六丈挽詞

青青一寸松中有梁棟姿天驥墮地走萬里端可期世無阿房宮
可建五丈旗又無穆天子西征燕瑤池材大古難用老死亦其宜
丈夫恐不免豈患莫已知公如松與驥少小稱偉奇俯仰自廊廟
笑談無羗夷清朝竟不用白首仍憂時願斬橫行將請烹乾沒兒
言雖不見省坐折姦雄窺嗟我去公久江湖生白髭歸來耆舊盡
零落存者誰比公嵇中散龍性不可羈疑公李北海慷慨多雄詞
淒涼五君詠沉痛八哀詩邪正久乃明人今屬公思九原不可傳
千古有餘悲

贈李道士

并叙

駕部員外郎李君宗固景祐中良吏也守漢州有道士尹可元精
練善畫以遺火得罪當死君緩其獄會赦獲免時可元年八十一

自誓且死必爲李氏子以報可元既死二十餘年而君子世昌之
婦夢可元八其室生子曰得采小名蜀孫幼而善書既長讀莊老
喜之遂爲道士賜號妙應事母以孝謹聞其爲真蓋妙絕一時云
世人只數曹將軍誰知虎頭非癡人腰間大羽何足道頰上三毛
自有神平生狎侮諸公子戲著幼輿巖石裏故教世世作黃冠布
襪青鞋弄雲水千年鼻祖守關門一念還爲李耳孫香火舊緣何
日盡丹青餘習至今存五十之年初過二衰顏記我今如此他時
要指集賢人知是香山老居士

樂天爲翰林院學士
奉詔寫真集賢院

東坡集卷之七十九

詩

眉山蘇軾東坡氏著

古今體四十五首

次韻米黻二王書跋尾二首

三館曝書防蠹毀得見來禽與青李秋虵春蚓久相雜野鷺家雞
定誰美玉函金籙天上來紫衣敕使親臨啟紛綸過眼未易識磊
落挂壁空雲委歸來妙意獨追求坐想蓬山二十秋惟君何處得
此本上有桓玄寒具油巧偷蒙奪古來有一笑何似癡虎頭君不
見長安永寧里王家破垣誰復修

其二

元章作書日千紙平生自苦誰與美畫地為餅未必似要令癡兒
出饑水錦囊玉軸來無趾粲然奪直疑聖智忍饑看書淚如洗至
今魯公餘乞米

郭熙秋山平遠

日盡孤鴻落照邊遙知風雨不同川此間有句無人見迭與襄陽
孟浩然

九月十五日邇英講論語終篇賜執政講讀史官燕于東宮又
遣中使就賜御書詩各一首臣軾得紫薇花絕句其詞云絲綸

閣下文章靜鐘鼓樓中刻漏長獨坐黃昏誰是伴紫薇花對紫

薇郎翌日各以表謝

又進詩一篇臣軾詩云

繡裳畫袞雲垂地不作成王翦桐戱日高黃繖下西清風動槐龍

舞交翠

邇英閣前有雙槐
榭枝屬也如龍形

壁中蠹簡今千年漆書蝌蚪光射天諸

儒不復憂吻燥東宮賜酒如流泉酒酣復拜千金賜一紙驚鸞回

鳳字蒼顏白髮便生光袖有驪珠三十四

臣所賜詩并題目及歸
臣姓名凡三十四字

來車馬已喧闐爭看銀鉤墨色鮮人聞一日傳萬口喜見雲章第

一篇

上前此未嘗以
御書賜群臣

玉堂畫掩文書靜鈴索不搖鐘漏永莫言弄

筆數行書須信時平田主聖犬羊散盡沙漠空提烽夜到甘泉宮
似聞指麾築上郡已覺談笑無西戎

時熙河新獲鬼章是日復文
奏夏賊數十萬皆遁去

思天子師文母終閉玉關籬馬武小臣願對紫薇花試草尺書招

贊普謹按唐制翰林學士帶知制誥許綴中書舍人班
今臣以知制誥待罪禁林故得以紫薇爲故事

次韻劉貢父叔姪扈駕

玉堂孤坐不勝清長羨枚鄒接長卿只許隔墻聞置酒時因議事
得聯名機雲似我多遺俗廣受如君不治生共託屬車塵土後鈞

天一餉夢中榮

次韻韓康公置酒見留

庭下黃花一醉同重來雪嶽已穹窿不應屢費譏安石但使母多

酌次公鐘乳金釵人似玉鴟絃鐵撥坐生風少卿尙有車茵在頗

覺寬容勝弱翁

送喬全寄賀君六首 并序原選三

舊聞靖長官賀水部皆唐末五代人得道不死童聖皇帝東封有

謁於道左者其謁云晉水部員外郎賀亢再拜而去上不知也已

而闕謁見之大驚物色求之不可得天聖初又使其弟子喻澄者

詣闕進佛道像直數千萬張公安道與澄遊具得其事又有喬全

者少得大風疾幾歿賀使學道今年八十葢壯盛人無復見賀者

而全數見之元祐二年十二月全來京師十許日子畱之不可日
賀以上元期我於蒙山又日吾師嘗遊密州識君於常山道上意
若喜君者作是詩送之且作五絕句以寄賀

寄賀詩

曾謁東風玉輅塵幅巾短褐亦逡巡行宮夜奏空名姓悵望雲霞
縹渺人

其二

垂老區區豈爲身微言一發重千鈞始知不見高皇帝正似商山
四老人

其二

舊聞父老晉郎官已作飛騰變化看聞道東家
有居處願供薪水
看燒丹

送家安國教授歸成都

別君二十載坐失兩鬢青吾道雖艱難斯文終典刑屢作退飛鶴
羞看乾死螢一落戎馬間五見霜葉寒夜談空說劍春夢猶橫經
新科復舊貫童子方乞靈須煩凌雲手去作八蜀星蒼苔高朕室
古栢文翁庭初聞編簡香如覺鋒鏑腥岷峨有雛鳳梧竹養脩翎
嗚呼應儼律飛舞集虞廷吾儕便歸老亦足慰餘齡

次韻黃魯直畫馬試院中作

少年鞍馬勤遠行臥聞乾草風雨聲見此忽思短策橫十年髀肉磨欲透那更陪君作詩瘦不如芋魁歸飯豆門前欲嘶御史聽詔恩三日休老翁羨君懷中雙橘紅黃有老母

和宋肇遊西池

漢皇慈儉不開邊尙教千艘不瀨船貪看艨艟飛鬪艦不知鼯鼠舞釣天故山西望三千里往事回思二十年自笑區區足官府不如公子散神仙

慶源宣義王丈以累舉得官爲洪雅王簿雅州戶椽遇吏民如家人人安樂之旣謝事居眉之青神瑞草橋放懷自得有書來求紅帶旣以遺之且作詩爲戲請黃魯直學士秦少游賢良各爲賦一首爲老人光華

青衫半作霜葉枯遇民如見吏如奴吏民莫作官長看我是識字耕田夫妻啼兒號刺史怒時有野人來挽鬚拂衣自注下下考芋魁飯豆吾豈無歸來瑞草橋邊路獨游還佩平生壺慈母巖前自喚渡青衣江上人爭扶今年蠶市數州集中有遺民懷袴襦邑中之黔相指似白髯紅帶老不癯我欲西歸卜隣舍隔墻拊掌容歌呼不學山王乘駟馬回頭空指黃公壚

和王晉卿題李伯時畫馬

督郵有良馬不爲君所奇顧收紙上影駿骨何由歸一朝見繁策
蟻封驚肉飛豈惟馬不遇人已半生癡

送程七表翁知泗州

江湖不在眼塵土坐滿顏繫舟清洛星初見淮南山淮山相媚好
曉鏡開煙鬢持此娛使君一笑簿領間使君如天馬朝燕暮荆蠻
時無王良手空老十二閑聊當出毫末化服狡與頑勿謂無人知
古佛臨濤灣赤子視萬類流萍閱人寰但使可此人餘事直茆菅
臥病逾月請郡不許復直玉堂十一月一日鎖院是日苦寒詔

賜官燭法酒書呈同院

微霰疎疎點玉堂詞頭夜下攬衣忙分光御燭星辰爛拜賜宮壺
雨露香醉眼有花書字大老人無睡漏聲長何時却遂桑榆暖社
酒寒燈樂未央

送千乘千能兩姪還鄉

治生不求富讀書不求官譬如飲不醉陶然有餘歡君看龐德公
白首終泥蟠豈無子孫念顧獨遺以安鹿門上冢回牀下拜龍鸞
躬耕竟不起耆舊節獨完念汝少多難冰雪落綺紈五子如一人
奉養直色難烹鷄獨餽母自饗苜蓿槃口腹恐累人寧我食無肝

西來四千里做袍不言寒秀眉似我兄亦復心閑寬忽然捨我去
歲晚留餘酸我豈軒冕人青雲意先闌汝歸時松菊環以青琅玕
禮陰三年成可以挂我冠清江入城郭小圃生微瀾相從結茆舍
曝背談金鑾

書王定國所藏煙江疊嶂圖 王晉卿書

江上愁心千疊山浮空積翠如雲煙山耶雲耶遠莫知煙空雲散
山依然但見兩崖蒼蒼暗絕谷中有白道飛來泉縈林絡石隱復
見下赴谷口爲奔川川平山開林麓斷小橋野店依山前行人稍
度喬木外漁舟一葉江吞天使君何從得此本點綴毫末分清妍

不知人間何處有此境徑欲往置一頃田君不見武昌樊口幽絕

處東坡先生留五年春風搖江天漠漠暮雲捲雨山娟娟丹楓翻
鴉伴水宿長松落雪驚醉眠桃花流水在人世武陵豈必皆神仙
江上清空我塵土雖有去路尋無緣還君此畫三歎息山中故人
應有招我歸來篇

夜直玉堂攜李之儀端叔詩百餘首讀至夜半書其後

玉堂清冷不成眠伴直難呼孟浩然暫借好詩消永夜每逢佳處
輒叅禪愁侵硯滴初含凍喜入燈花欲鬪妍寄語君家小兒子他
時此句一時編

次韻劉貢父春日賜幡勝

寬詔隨春出內朝三軍喜氣挾狐貂
鏤銀錯落翻斜月剪綵繽紛
舞慶霄臘雪強飛纔到地前一日微雪
曉風偷轉不驚條脫冠徑醉應
歸臥便腹從人笑老韶是日暮次賜酒

再和

與君流落偶還朝過眼紛紛七葉貂
莫笑華顛飄彩勝幾人黃壤
隔青霄行吟未許窮騷雅坐嘯猶能出教條
記取明年江上郡五更春枕夢春韶

葉公秉王仲至見和次韻答之

衫縮方暑亦堪朝歲晚淒風憶皂貂
共喜鸛鸞歸禁籞心知日月在重霄
君如老驥初遭絡我似枯桑不受條
強鑷霜鬚簪彩勝蒼顏得酒尙能韶

再和

衰遲何幸得同朝温勁如君合珣貂
誰惜異材蒙徑寸自慙枯枿借凌霄
光風泛泛初浮水紅糝離離欲綴條
後日一樽何處共奉常端冕作咸韶

王鄭州挽詞

羨君華髮起琳宮右輔初還鼓角雄
千里農桑歌子產一時冠蓋

東坡先生集卷之九
慕蕭嵩那知聚散春糧外便有悲歡過隙中京兆同僚幾人在猶

思對案筆生風

子爲開封幕
與子難同廳

書王定國所藏王晉卿畫著色山

白髮四老人何曾在商顏煩君紙上影照我胸中山山中亦何有
木老土石頑正賴天日光澗谷紛爛斑我心空無物斯文定何問
君看古井水萬象自往還

送呂昌朝知嘉州

不羨三刀夢蜀都聊將八詠繼東吳臥看古佛凌雲閣勅賜詩人
明月湖得句會應緣竹鶴思歸寧復爲尊鱸橫空好在脩眉色頭
白猶堪乞左符

次韻黃魯直寄題郭府推穎州西齋

樹頭啄木常疑客客去而嗔定不然脫轄已應生井沫解衣聊復
起庖煙平生詩酒真相污此去文章恐獨賢早晚西湖映華髮小
舟翻動水中天

與莫同年雨中飲湖上

到處相逢是偶然夢中相對各牽顛還來一醉西湖雨不見跳珠
十五年

送子由使契丹

東坡集卷二十九
雲海相望寄此身那因遠適更沾巾不辭驛騎凌風雪要使天驕
識鳳麟沙漠回看清禁月湖山應夢武林春單于若問君家世莫
道中朝第一人

次韻荅劉景文左藏

我老詩壇仆鼓旗借君佳句發良時但空賀監杯中物莫示孫郎
帳下兒夜燭催詩金燼落秋芳壓榻露華滋故應好語如爬癢有
味難名只自知

座上復借韻送岢嵐軍通判葉朝奉

雲間踏白看纏旗莫忘西湖把酒時夢裏吳山連越嶠樽前羞婦
雜胡兒夕烽過後人初醉春鴈來時雪未滋爲問從軍真樂否書
來粗遣故人知

次韻錢越州見寄

莫將牛弩射羊群臥治何妨晝掩門稍喜使君無疾病時因送客
見車轆搔頭白髮秋無數閉眼丹田夜不存欲息波瀾須引去吾
儕豈獨坐多言

次韻毛滂法曹感雨詩

江南佳公子遺我錦繡端指之温如春公子焉得寒興雨自有時
膚寸便濛濛歛藏以自潤牛斗何足干空庭月與影強結三友歡

我豈不足歟要此清團團所歡在一醉常恐樽中乾捨酒尙可樂
明珠如彈丸但恐千仞雀忽忽發虛彈迨子閑暇時種子田中丹
一朝涉世故空腹容欺謾我頃在東坡秋菊爲夕餐永愧坡間人
布褐爲我完雪堂初覆瓦土簞無下莞時時亦設客每醉筒輒殫
一笑便傾倒五年得輕安公子豈我徒衣鉢傳一簞定非郊與島
筆勢江湖寬悲吟古寺中穿帷雪漫漫他年記此味芋火對懶殘
送鄧宗古還鄉

廣漢有姜子孝弟行里閭赤眉雖豺虎弛兵過其墟至今空清泉
無復雙鯉魚南鄭有李卻得妙其公晝夜坐指流星驚倒兩便車
抱關不肯仕布褐蒙璠璣西南固多士君得一子餘導導忠文公
搜士及樵漁澗谿有幽討蘋芷眞嘉蔬歲晚終不食心惻當何如

異鵲 并叙

熙寧中柯侯仲常通守漳州以救饑得民有二鵲栖其廳事訖候
之去鵲亦送之漳人異焉爲賦此詩

昔我先君子仁孝行於家家有五畝園么鳳集桐花是時鳥與鵲
巢穀可俯拏憶我與諸兒飢食觀群呀里人驚瑞異野老笑而嗟
云此方乳哺甚畏鷺與鴟手足之所及二物不敢加主人若可信
衆鳥不我遐故知中孚化可及魚與豸柯侯古循吏惻悞真無華

臨潼所全活數等江干沙仁心格異族兩鵲栖其衙但恨不能言
相對空楂楂善惡以類應古語良非劣君看彼酷吏所至號鬼車

東川清絲寄魯冀州戲贈

鵝溪清絲清如水上有千歲交枝藤藤生谷底飽風雪歲晚忽作
龍馳升嗟我雖爲老侍從骨寒只愛布與繒床頭錦衾未還客坐
覺芒刺在背膺豈如髯卿晚乃肯補祿正似川方增醉中倒着紫
綺裘下有半臂出縹綾封題不敢妄裁剪刀尺自有佳人能遙知
千騎出清曉積雪未放游塵興白須紅帶柳絲下老弱空巷人相
登但放奇紋出領袖吾髯雖老無人憎

次韻王忠玉遊虎丘絕句二首

青蓋紅旗映玉山新詩小草落玄泉風流使者人爭看知有貞娘

立道邊

虎丘中路
有貞娘墓

舞衣歌扇轉頭空只有青山香靄中莫其吳王闢百草使君未敢
借驚鴻

連日與王忠玉張全翁游西湖訪北山清順道潛二詩僧登垂

雲亭飲參寥泉最後過唐州陳使君夜飲忠玉有詩次韻荅之

北山非自高千仞付我足西湖亦何有萬象生我目雲深人在塢
風靜響應谷與君皆無心信步行看竹竹間逢詩鳴眼色奪湖淥

東坡集卷之十一
百篇成俯仰二老相追逐故應千頃池養此一雙鵠山高路已斷
亭小滕屢促夜尋三尺井渴飲半甌玉明朝開絲管寒食雜歌哭
使君坐無聊狂客來不速載酒有鴟夷扣門非啄木浮蛆灑金甌
翠羽出華屋須臾便陳迹覺夢那可續及君未渡江過我勤秉燭
一笑換人爵百年終鬼錄

壽星院寒碧軒

清風蕭蕭搖窗扉窗前修竹一尺圍紛紛蒼雪落夏簾冉綠霧霑
人衣日高山蟬抱葉響人靜翠羽穿林飛道人絕粒對寒碧爲問
鶴骨何緣肥

西湖壽星院此君軒

臥聽謾謾碎龍鱗俯看蒼蒼立玉身一舸鴟夷江海去尙餘君子
六千人

再和并荅楊公

毗盧海上妙高峯二老遙知說此翁聊復艤舟尋紫翠不妨持節
散陳紅高懷却有雲門興好句真傳雪竇風唱我三人無譜曲馮
夷亦合舞幽宮

次韻劉景文登介亭

澤國梅雨餘衰年困烝溽高堂磨新塼頗覺利腰足松根百尺井

兩綆飛淨淥流觴聚兒童一笑爲捧腹清風信可馭剛氣在巖麓
始知其此世物外無三伏長歌入雲去不待絃管逐西湖真西子
煙樹黠眉目濤江少醞藉高浪翻雪屋俛仰拊四海百世飛鳥速
遠追錢氏餘近弔祖侯躅吾生如寄耳寸晷輕尺玉誰似劉將軍
逸韻謝邊幅干言一揮手五車不再讀春巖彩鷄舞月峽哀猿哭
朝先啼鴉起莫與寒螿續我老癯吟哦賴君時繫觸從今事遠覽
發輒此幽谷清游得三昧至樂謝五欲莫作狂道士氣壓劉師服
袁公濟和劉景文登介亭詩復次韻答之

昏昏墮醉夢奈此六月溽君詩如清風吹我朝睡足登臨得佳句
江日照湖滌袖手獨不言默藁已在腹是時風雨過藹藹雲歸麓
疎星帶微月金火爭見伏惜哉此清景變滅不可逐歸來讀君詩
耿耿猶在目却思少年日聲價爭塲屋文如翻水成賦作又手速
秋風起鴻鴈我亦繼羣躅那知君踴躍獨泣荆山玉相見南新道
青衫垂破幅早知事大繆恨不十年讀莫嫌馮唐老終勝賈誼哭
今年復爲僚舊好許重續升沉何足道等是蠻與觸共爲湖山主
出入窮澗谷衆馳君不爭人乘我所欲何時神武門相約挂冠服

東坡集卷之八十

詩

眉山蘇軾東坡氏著

古今體六十二首

葉教授和漚字韻詩復次韻為戲記龍井之游

先生魯諸儒飲食清不漚空腸出秀句吟嚼五味足華堂闌絲管
 眸子漲春淥先生疾走避面冷毒在腹歸來煮匏葉弟子歌旱麓
 聲淫及靈臺中有麕鹿伏功名一走兔何用千人逐故應容我輩
 清坐時閉目高亭石排衙木杪挂飛屋我來無時節客亦不待速
 似聞雪髯叟西嶺訪遺躅朝陽人潭洞金碧溼冰玉泉扉夜不扃

雲袂本無幅慈皇付寶偈神侶得幽讀訥庵有老人宴坐天魔哭
時來獻纓絡法供燈相續吾儕詩酒沙欲往無乃觸齋厨費晨炊
車騎滿山谷願聞第一義鉢飯非所欲便投切雲冠予幼好奇服

送李陶通直赴清溪

忠文文正二大老司馬溫公范蜀公君之師友蘇李廣平三舍人蘇子容宋坎道與先公才

元颺寧中封還李定詞喜見逸家賢子弟自言得邑少風塵從來
頭天下謂之二舍人

勢利關心薄此去溪山琢句新肯向西湖留數月錢塘初識小麒麟

麟

次韻楊公濟奉議梅花十首 本選九

梅稍春色弄微和作意南枝翦刻多月黑林間逢綈袂霸陵醉尉

誤誰何

相逢月下是瑤臺籍草清樽連夜開明日酒醒應滿地空令饑鶴

啄莓苔

綠髮尋春湖畔回萬松嶺上一枝開而今縱老霜根在得見劉郎

又獨來

月地雲堦漫一樽玉奴終不負東昏臨春結綺荒荆棘誰信幽香

是返魂

日出冰澌散水花野梅官柳漸欹斜西郊欲就詩人飲黃四娘東

子美家

君知早路坐先開莫著新詩句句催
嶺北霜枝最多思忍寒留待使君來

寒雀喧喧凍不飛遶林空暝未開枝
多情好與風流伴不到雙雙燕語時

較綃翦碎玉簪輕檀暈粧成雪月明
肯伴老人春一醉懸知欲落更多情

綳裙練帨玉川家肝膽清新冷不邪
穠李爭春猶辨此更教踏雪看梅花

鳳寧中軾通守此郡除夜直都廳因繫昔滿日莫不得返舍因

題一詩于壁今二十年矣衰病之餘復忝郡寄再經除夜庭事
蕭然三圍皆空蓋同僚之力非拙朽所致因和前篇呈公濟

伴二通守

選前詩

除日當早歸官事乃見留執筆對之泣
哀此繫中囚小人營餼糧墮網不知羞
我亦戀薄祿因循失歸休不須論賢愚
均是爲食謀誰能暫縱遣悶默愧前修

遊寶雲寺得唐彥猷爲杭州日送客舟中手書一絕句云山雨

罪微不滿空畫船來往疾輕鴻誰知獨臥朱簾裏一榻無塵四
面風明日送彥猷之子垌赴鄂州舟中遇微雨感歎前事因和
其韻作兩首送之且歸其書唐氏

出處榮枯一笑空十年社燕與秋鴻誰知白首長河路還臥當時
送客風

次韻劉景文路分上元

華燈闕艱歲冷月掛空府三吳重時節九陌自歌舞二從月幾望
遂至一百五嘉辰可屈指樂事相繼武今宵掃雲陣極目淨天宇
嬉遊各忘歸闌咽頃未覩飛毬互明滅激水相吞吐老去反思童
歸來尙鏡鼓新年消暗雪舊歲添絲纒何時九江城對兩漁父

予舊欲卜居廬山

景文近買宅江州

再和楊公濟梅花十絕 原本選三

一枝風物便清和看盡千林未覺多
舊習已空從著袂不須天女問云何

湖面初驚片片飛尊前吹折最繁枝
何人會得春風意怕見梅黃雨細時

北客南來豈是家醉看三月半橫斜
他年欲識吳姬面秉燭三更對此花

櫻筍并序

櫻筍狀如魚剖之得魚子味如若筍而加甘芳蜀人以饌佛僧甚貴之而南方不知也筍生膚毳中蓋化之方孕者正二月間可剝取過此苦澀不可食矣取之無害於木而宜於飲食法當蒸熟所施略與筍同密煮酢浸可致千里外今以餽殊長老

贈君水魚三百尾中有鵝黃子魚子夜叉剖瘦欲分甘籜龍藏頭敢言美願隨蔬果得自用勿使山林空老死問君何事食木魚烹不能鳴固其理

次韻曹子方運判雪中同遊西湖

詞源灑灑波頭展清唱一聲巖谷滿未容雪積句先高豈獨湖開心自遠雲山已作歌眉淺山下碧流清似眼尊前侑酒只新詩何異書魚餐蠹簡

息壤詩并引

淮南子曰鯀煙洪水盜帝之息壤帝使祝融殺之于羽淵今荊州南門外有狀若屋宇陷入地中而猶見其脊者旁有石記云不可犯畚鍤所及輒復如故又頗以致雷雨歲大旱屢發有應予感之乃爲作詩其詞曰

帝息此壤以藩幽臺有神司之隨取而培帝勅下民無敢或開惟

帝不言以雷以雨惟民知之幸帝之怒帝茫不知誰敢以告帝怒
不常下土是震使民前知是役于民無是墳者誰取誰予惟其的
之是以射之

予去杭十六年而復來雷二年而去平生自覺出處老少粗似
樂天雖才名相遠而安分寡求亦庶幾焉三月六日來別南北
山諸道人而下天竺惠淨師以醜石贈行作三絕句

當年衫鬢兩青青強說重臨慰別情衰髮祇今無可白故應相對
話來生

其二

出處依稀似樂天敢將表刺較前賢便從洛社休官去猶有闌居
二十年

其三

在郡依前六百日山中不記幾回來還將天竺一峯去欲把雲根
到處栽

聽武道士彈賀若

清風終日自開簾涼月今宵肯挂簷琴裏若能知賀若詩中定合
愛陶潛

題王晉卿畫後

醜石半蹲山下虎長松倒臥水中龍試君眼力看多少數到雲峯
第幾重

元祐六年六月自杭州召還被公館我於東堂閱舊詩卷次諸

公韻

夢覺還驚屣響廊故人來炷影前香鬢白盡成何事一帖空存

老遂娘

法帖中有褚遂良書
即日遂良鬚髮盡白

其二

尺一東來喚我歸身年已迫故山期文章曹植今堪笑却卷波瀾

入小詩

次韻子由書王晉卿畫山水一首而晉卿和

此境眼前聊妄想幾人林下是真休我今心似一潭月君已身如
萬斛舟看畫題詩雙鶴鬢歸田送老一羊裘明年兼與士龍去萬
頃蒼波沒雨鷗

感舊詩并引

嘉祐中子與子由同舉制策寓居懷遠驛時年二十六而子由二
十三耳一日秋風起雨作中夜翛然如有感慨離合之意自爾宦
游四方不相見者十常七八每夏秋之交風雨作木落草衰輒悽
然有此感蓋三十年矣元豐中謫居黃岡而子由亦貶筠州嘗作

詩以記其事元祐六年予自杭州召還寓居子由東府數月復出
領汝陰時予年五十六矣乃作詩留別子由而去

床頭枕馳道雙闕夜未央車轂鳴枕中客夢安得長新秋入梧葉
風雨驚洞房獨行殘月影悵焉感初涼筮仕記懷遠謫居念黃岡

一往三十年此懷未始忘扣門呼阿同

子由一字同叔

安寢已太康青山

映華髮歸計三月糧我欲自汝陰徑上潼江章想見冰槃中石密

與柿霜

予欲請東川而歸二物皆東川所出

憐子遇明主夏患已再嘗報國何時畢

我心久已降

西湖秋涸東池魚窘甚因會客呼網師遷之西池爲一笑之

樂夜歸被酒不能寐戲作放魚一首

東池浮萍半粘塊裂碧跳青出魚背西池秋水尚涵空舞闌搖深
吹荇帶吾僚有意爲遷居老守縱饒那忍膾縱橫爭看銀刀出滌
澗初驚玉花碎但愁數罟損鱗鬣未信長堤隔濤瀨濺濺發發須
叟間圍洋洋尋丈外安知中無蛟龍種尙恐或有風雲會明年
春水漲西湖好去相忘渺淮海

復次放魚前韻答趙承議陳教授

擾擾萬生同大塊搶榆不羨培風背青丘已吞雲夢芥黃河復繚
天門帶長譏韓子隘且陋一飽鯨魚何足膾東坡也是可憐人披

挾泥沙收細碎逝將歸休八節灘又欲往釣七里瀨正似此魚逃
網中未與造物遊數外且將新句調二子湖上秋高風月會爲君
更喚木腸兒脚扣兩舷歌小海

九月十五日觀月聽琴西湖一首示坐客

白露下衆草碧空卷微雲孤光爲誰來似爲我與君水天浮四坐
河漢落酒樽使我冰雪腸不受麴蘖醺尙恨琴有絃出魚亂湖紋
哀彈本舊曲妙耳非昔聞良時失俯仰此見寧朝昏懸知一生中
道眼無由渾

次韻劉景文見寄

淮山東來雙鯉魚巧將書信渡江湖細看落墨皆松瘦想見掀髯
正鶴孤烈士家風安用此書生習氣未能無莫因老驥思千里醉
後哀歌缺唾壺

臂痛謁告作三絕句示四君子 原本選二

公退清閑如致仕酒餘歡適似還鄉不妨更有安心病臥看縈簾
一炷香

其二

心有何求遣病安年來古井不生瀾祗愁戲瓦閑童子却作冷冷
一水看

景貺履常屢有詩督叔弼季默唱和已許諾矣復以此句挑之

君家文律冠西京旋築詩壇按酒兵袖手莫輕真將種致師須得

老門生明朝鄭伯降誰受昨夜條侯壁已驚從此醉翁天下樂還

應一舉百觴傾

文忠公贈蘇梅詩云我亦願助勇鼓旗謀其勇快哉天下樂一釀宜百觴

聚星堂雪

并序

元祐六年十一月一日禱雨張龍公得小雪與客會飲聚星堂

忽憶歐陽文忠公作守時雪中約客賦詩禁體物語於艱難中

特出奇麗爾來四十餘年莫有繼者僕以老門生繼公後雖不

足追配先生而賓客之美殆不減當時公之二子又適在郡故

輒舉前令各賦一篇以爲汝南故事云

窻前暗響鳴枯葉龍公試手行初雪暎空先集疑有無作態斜飛

正愁絕衆賓起舞風竹亂老守先醉霜松折恨無翠袖點橫斜祇

有微燈照明滅歸來尙喜更鼓永晨起不待鈴索掣未嫌長夜作

衣稜却怕初陽生眼纈欲浮大白追餘賞幸有回颺驚落屑模糊

檜頂獨多時歷亂瓦溝裁一瞥汝南先賢有故事醉翁詩話誰續

說當時號令君聽取白戰不許持寸鐵

喜劉景文至

天明小兒更傳呼髯劉已到城南隅尺書真是髯手迹起坐熨眼
知有無今人不作古人事今世有此古丈夫我聞其來喜欲舞病
自能起不用扶江淮旱久塵土惡朝來清雨濯鬢鬚相看握手了
無事千里一笑無乃迂平生所樂在吳會老死欲葬杭與蘇過江
西來二百日冷落山水愁吳姝新堤舊井各無恙參寥六一豈念
吾別後新詩巧摹寫袖中知有錢塘湖

劉景文家藏樂天身心問答三首戲書一絕其後

淵明形神自我樂天身心相物而今月下三人他日當成幾佛

和劉景文見贈

元龍本志陋曹吳豪氣崢嶸老不除失路今爲贅等伍作詩猶似
建安初西來爲我風鰲面獨臥無人雪編廬留子非爲十日飲要
令安世誦亡書

次韻趙景貺春思且懷吳越山水

歲華來無窮老眼久已靜春風如繫馬未動意先聘西湖忽破碎
鳥落魚動鏡縈城理枯瀆放闌起膠艇願君營此樂官事何時竟
清河西湖三思吳信偶然出處付前定飄然不繫舟乘此無盡興
聞督君成之醉翁行樂處草木皆可敬明朝游北渚急掃黃葉徑白酒真到齊

紅裙已放鄭

酒尙有香泉一壺爲樂
全先生服不作樂也

次韻陳履常張公龍潭

經明宣城宰家此百尺瀾鄭翁不量力敢以非意干玄黃雜兩戰
絳青表雙螭事見龍公碑烈氣斃強敵仁心惻饑寒精誠禱必赴苟簡
求亦難蕭條麥麩枯浩蕩日月寬念子無吏責十日勤征鞍春蔬
得雨雪少助先生槃龍不憚往來而我獨宴安閉閣默自責神交
清夜

竹間亭小酌懷歐陽叔弼季默呈趙景貺陳履常

歲暮自急景我閑方緩觴醉餘西湖晚步轉北渚長地坐略少長
意行無澗岡人知薺麥青稍喜榆柳黃盎盎春欲動漱漱夜未央

水天鷗鷺靜月霧松檜香撫景方晚晚懷人重凄凉豈無一老兵

坐念兩歐陽我意正麋鹿君才亦圭璋此會恐難久此歡不可忘

臘梅一首贈趙景貺

天工點酥作梅花此有臘梅禪老家密蜂採花作黃臘取臘爲花
亦其物天工變化誰得知我亦見嬉作小詩君不見萬松嶺上黃
千葉玉藥檀心兩奇絕醉中不覺度千山夜聞梅香失醉眠歸來
却夢尋花去夢裏花仙覓奇句此間風物屬詩人我老不飲當付
君君行適吳我適越笑指西湖惟衣鉢

軾在潁州與趙德麟同治西湖未成改揚州三月十六日湖

成德麟有詩見懷次韻

太山秋毫兩無窮鉅細本出相形中大千起滅一塵裏未覺杭穎

誰雌雄來詩云與杭爭雄我在錢塘拓湖潑大堤士女爭昌丰六橋橫絕

天漢上北山始與南屏通忽驚二十五萬丈老葑席卷蒼雲空竭

來穎尾弄秋色一水縈帶昭靈宮坐思吳越不可到借君月斧修

腫隴二十四橋亦何有換此十頃玻璃風雷塘水乾禾黍滿寶釵

耕出餘鸞龍明年詩客來弔古伴我霜夜號秋蟲德麟見約來揚寄居亦有意求

楊倅

召還至都門先寄子由

老身倦馬河堤永跡盡黃榆綠槐影荒鷄號月未三更客夢還家

得俄頃歸老江湖無歲月未填溝壑猶朝請黃門殿中奏事罷詔

許來迎先出省已飛青蓋在河梁定餉黃封兼賜茗遠來無物可

相贈一味豐年說淮穎

頃年楊康功使高麗還奏乞立海神廟板橋僕嫌其地湫隘移

書使遷之文登因古廟而新之楊竟不從不知定國何從見此

書作詩稱道不已僕不復記其二云何也次韻答之

退之仙人也遊戲於斯文談笑出偉奇鼓舞南海神頃年三韓使

幾為鯁鯨吞歸來築神宇要使百賈奔板橋商賈所聚我欲遷其廟下數

浮空群

謂登州海市

移書竟不從信非磊落人公胡爲拳拳繫此空中

雲作詩頌其美何異刻劍痕我今已括囊象在六四坤

次韻頽叔觀燈

安西老守是禪僧到處應然無盡燈永夜出遊從萬騎諸羗人看
擁千層便因行樂令投甲不用防秋更打水振旅歸來還侍燕十
分宣勸恐難勝

次韻錢穆父王仲至同賞田曹梅花

寒廳不知春獨立耿玉雪閉門愁永夜置酒及明發忽驚庭戶曉
未受煙雨沒淨光風宛轉照影水方折鬢霜未易掃眉斧真自伐
惟當此花前醉臥黃昏月

送襄陽從事李友諒歸錢塘

居杭積五歲自意本杭人故山歸無家欲卜西湖隣良田不難買
靜士誰當親髯長既超然老潛亦絕倫李子冰玉姿文行兩清淳
歸從三人游便足了此身公堤不改昨姥嶺行開新幽夢隨子去
松花落衣巾

書晁說之考牧圖後

我昔在田間但知羊與牛川平牛背穩如駕百斛舟舟行無人岸
自移我臥讀書牛不知前有百尾羊聽我鞭聲如鼓鼙我鞭不妄

發視其後者而鞠之澤中草木長草長病牛羊尋山跨坑谷騰越
筋骨強煙篆雨笠長林下老去而今空見畫世間馬耳射東風悔
不長作多牛翁

鶴歎

園中有鶴馴可呼我欲呼之立坐隅鶴有難色側睨予豈欲臆對
如鵬乎我生如寄良畸孤三尺長脰閣瘦軀俛啄少許便有餘何
至以身爲子娛驅之上堂立斯須投以餅餌視若無嗷然長鳴乃
下趨難進易退我不如

劉醜斯詩

劉生望都民病羸寄空室有子曰醜斯十二行操瓢墻間得餘粒
雪中拾墮糲饑飽其生死水火同焚漂病翁恃一褐度此積雪宵
哀哉二暴客掣去如饑鴉翁既歿於寒客亦易此齧崎嶇走亭長
不憚雪徑遙我仇祝與死物色同遮邀行路爲出涕二客竟就梟
譏譏訖我庭慷慨驚吾僚曰此可名寄道醜彬之蕘恨我非柳子
擊節爲爾謠官場一萬錢無家可歸嬌爲媾他日婦媿然初垂暑
洗沐作小史裹頭束其腰筆視耕學苑戈矛戰天驕壯大隨爾好
忠孝福可徵相國有折肱封侯或吹簫人事豈易料勿輕此焦僥
次韻李端叔送保倅翟安常赴闕兼寄子由

東坡集卷之二
中山保塞兩窮邊臥治雍容已百年顧我迂愚分竹使與君談笑
用蒲鞭松荒三徑思元亮草合平池憶惠連白髮歸心憑說與古
來誰似兩疏賢

三月二十日多葉杏盛開

零露泣月蕊溫風散晴葩春工了不睡連夜開此花芳心誰翦刻
天質自清華惱客香有無弄粧影橫斜中山古戰國殺氣浮高牙
叢臺餘祕服易水雄悲笳自從此花開玉肌洗塵沙坐令游俠窟
化作溫柔家我老念江海不飲空咨嗟劉郎歸何日紅燄燄殘霞

明年花開時舉酒望三巴

蓋欲詩停
州也

子由新脩汝州龍興寺吳畫壁

丹青久衰工不執人物尤難到今世每摹市井作公卿畫手懸知
是徒隸吳生已與不傳歿那復典刑留近歲人間幾處變西方盡
作波濤翻海勢細觀手面分轉側妙算毫釐得天契始知真放本
精微不比狂花生客慧似聞遺墨留汝海古壁蝸涎可垂涕力捐
金帛扶棟宇錯落浮雲卷新霽使君坐歎清夢餘幾疊衣紋數襟
袂他年弔古知有人姓名聊記東坡第

六月七日泊金陵阻風得鍾山泉公書寄詩爲謝

今日江頭天色惡礮車雲起風欲作獨望鍾山喚寶公林間白塔

如孤鶴寶公骨冷喚不聞却有老泉來喚人電眸虎齒霹靂舌爲
予吹散千峰雲南行萬里亦何事一酌曹谿知水味他年若畫蔣
山圖爲作泉公喚居士

慈湖夾阻風五首 原本闕三首

此生歸路愈茫然無數青山水拍天猶有小船來賣餅喜聞墟落
在山前

其二

我行都是退之詩真有人家水半扉千頃桑麻在船底空餘石髮
挂魚衣

秧馬歌

過廬陵見宣德郎致仕曾君安止出所作禾譜文旣溫雅事亦詳
實惜其有所缺不譜農器也予昔游武昌見農夫皆騎秧馬以榆
棗爲腹欲其滑以楸桐爲背欲其輕腹如小舟昂其首尾背如覆
瓦以便兩髀雀躍于泥中繫束葦其首以縛秧日行千畦較之偃
僂而作者勞佚相絕矣史記禹乘四載泥行乘橇解者曰橇形如
箕擿行泥上豈秧馬之類乎作秧馬歌一首附于禾譜之末云
春雲濛濛雨淒淒春秧欲老翠剡齊嗟我婦子行水泥朝分一攏
暮千畦腰如篋篋首啄鷄筋煩骨殆聲酸嘶我有桐馬手自提頭

屍軒昂腹脇低背如覆瓦去角圭以我兩足爲四蹄聳踊滑汰如
鳧鷖纖纖束葉亦可齋何用繁纓與身題揭從哇東走哇西山城
欲閉聞鼓聲忽作的盧躡檀溪歸來挂壁從高栖了無芻秣饑不
啼少壯騎汝速老鰲何曾蹶軼防顛擠錦韉公子朝金闥笑我一
生蹋牛犁不知自有木馱駝

八月七月初入贛過惶恐灘

七千里外二毛人十八灘頭一葉身山憶喜歡勞遠夢

蜀道有錯
喜歡舖在

大散關上地各惶恐泣孤臣長風逆客添帆腹積雨扶舟滅石鱗便合

與官充水手此生何止略知津

朝雲詩并引

世謂樂天有粥駱馬放楊柳枝詞嘉其至老病不忍去也然夢得
有詩云春盡絮飛留不住隨風好去落誰家樂天亦云病與樂天
相伴住春隨樊子一時歸則是樊素竟去也予家有數妾四五年
相繼辭去獨朝雲者隨予南遷因讀樂天集戲作此詩朝雲姓王
氏錢塘人嘗有子曰幹兒未暮而天云
不似楊枝別樂天恰如通德伴伶玄阿奴絡秀不同老天女維摩
總解禪經卷藥爐新活計舞衫歌扇舊因緣丹成逐我三山去不
作巫陽雲雨仙

東坡集卷之八十一

詩

眉山蘇軾東坡氏著

古今體六十一首

寄虎兒

獨倚枕椰樹閑挑草檣根謀生看拙否送老此蠻村

新釀桂酒

擣香篩辣入甌盆益益春谿帶雨渾收拾小山藏社甕招呼明月到芳樽酒材已遣門生致菜把仍叨地主恩爛煮葵羹斟桂醕風流可惜在蠻村

次韻蔣穎叔錢穆父從駕景靈宮二首

歸來病鶴記城闈舊踏松枝雨露新
半白不羞垂領髮軟紅猶戀
屬車塵雨收九陌豐登後日麗
三元下降辰粗識君王為民意
不才何以助精禋

前輩戲語有西湖風月不如東華軟塵香土

其二

與君並直記初元白首還同入禁門
玉殿齊班容小語霜延稽首

滋微温

適與穆父并拜庭中地昔流濕相與小語道之

病貧賜茗浮桐葉老怯香泉灑寶

樽回首鵷行有人傑坐知羗虜是遊魂

江郊并引

惠州歸善縣治之北數百步抵江小西有盤石小潭可以垂釣作

江郊詩云

江郊葱曠雲水禱綯倚岸斗入洞潭輪轉先生悅之布席閑燕初
日下照潛鱗俯見意釣忘魚樂此竿綫優哉悠哉玩物之變

追餞正輔表兄至博羅賦詩為別

孤城南游墮黃管君亦何事來牧蠻
艤舟蠻戶龍岡窟置酒柳葉
枕椰間高談已笑衰語陋傑句尤覺清
詩屢博羅小縣僧舍古我
不忍去君忘還君應回望秦與楚
夢涉漢水秋秦關我亦坐念高
安客神游黃蘗叅洞山何時曠蕩洗瑕垢
與君歸駕相追攀梨花

寒食隔江路兩山遙對雙烟鬢歸耕不用一錢物惟要兩腳飛屐
顏玉牀丹旆記分我助我金鼎光爛斑

再用前韻賦

樂天霜鬢如霜管始知謝遣素與蠻我兄綠髮蔚如故已了夢幻
齊人間蛾眉勸酒聊爾耳處仲太忍茂弘辱三盃徑醉便歸臥海
上知復幾往還連娟六么趁蹋鞠香泚三疊繁陽關酒醒夢斷何
所有落花流水空青山忽驚鐃鼓發半夜明月不許幽人攀贈行
無物惟一語莫遣瘴霧侵雲鬢羅浮道人一傾盞欲繫白隄留君
顏應知我是香案吏他年許綴蓬萊班

次韻定慧欽長老見寄八首并引原本選五

蘇州定慧長老守欽使其徒卓契順來惠州問予安否且寄擬寒山
十頌語有粲忍之通而詩無島可之寒吾甚嘉之爲和八首

其一

左角看破楚南柯聞長勝鈎簾歸乳燕穴紙出癡蠅爲鼠當留飯
憐蛾不點燈崎嶇真可笑我是小乘僧

其二

鐵橋本無柱石樓豈有門舞空五色羽吹雲千歲根松花釀仙酒
木客餽山殮我醉君且去陶云吾亦云

其一

誰言窮巷士乃竊造物權所見皆我有安居受其全戲作一篇書
千古發爭端儒墨起相殺予初本無言

其四

閑居蓄百毒救彼跛與盲依山作陶穴掩此暴骨橫區區效一溉
豈能濟含生力惡不已出時哉非汝爭

其五

少壯欲及物老閑餘此心微生山海間坐受瘴霧侵可憐鄧道士
攝衣問呻吟覆丹却私渡斷橋費千金

二月十九日携白酒鱸魚過詹史君食槐葉冷淘

枇杷已熟粲金珠桑落初嘗灑玉蛆暫借垂蓮十分錢一澆空服
五車書青浮卯盃槐芽餅紅點冰槃鱸葉魚醉飽高眠真事業此
生有味在三餘

連雨江漲二首

越井岡頭雲出山狎柯江上水如天牀牀避漏幽人屋浦浦移家
蜨子船龍卷魚蝦并雨落人隨鷄犬上墻眠只應樓下平階水長

記先過嶺年

其二

急雨蕭蕭昨晚涼臥聞榕葉響長廊微明燈火耿殘夢半濕簾帷
泖舊香高浪隱牀吹壘盜聞風驚樹擺琳琅先生不出晴無用留
向空塔滴夜長

荅周循州

蔬飯黎牀破衲衣掃除習氣不吟詩前生似是盧行者後學過呼
韓退之未敢扣門求夜話時叨送米續晨炊知君清俸難多較且
覓黃精與療饑

六月十二日酒醒步月理髮而寢

羽蟲見月爭翻翻我亦散髮虛明軒干梳冷快肌骨醒風露氣入
霜蓬根起舞三人漫相屬停盃一問終無言曲肱薤簟有佳處夢
覺瓊樓空斷魂

江月五首 并引

嶺南氣候不常吾嘗云菊花開時乃重陽涼天佳月卽中秋不須
以日月爲斷也今歲九月殘暑方退既望之後月出愈遲然予嘗
夜起登合江樓或與客遊豐湖入栖禪寺扣羅浮道院登逍遙堂
逮曉乃歸杜子美云四更山吐月殘夜水明樓此殆古今絕唱也
因其句作五首仍以殘夜水明樓爲韻

一更山吐月玉塔臥微瀾正似西湖上涌金門外看水輪橫海闊

香霧入樓寒停鞭且莫上照我一盃殘

三更山吐月幽人方獨夜可憐人與月夜夜江樓下風枝夕未停
露草不可藉歸來掩關臥唧唧蟲夜話

三更山吐月槽鳥亦驚起起尋夢中游清絕正如此驅雲掃衆宿
俯仰迷空水幸可飲我牛不須違洗耳

四更山吐月皎皎爲誰明幽人起我約坐待玉繩橫野橋多斷板
山寺有微行今夕夢中遊化城

五更山吐月窗迥室幽幽玉鈎還挂戶江練却明樓星河澹欲曉
鼓角冷知秋不眠翻五詠清切變蠻謳

與正輔游香積寺

越山少松竹常苦野火厄此峰獨蒼然感荷佛祖力茯苓無人採
千歲化琥珀幽光發中夜見者惟木客我豈無長鏡真鴈苦難識
靈苗與毒草疑似在毫髮把玩竟不食棄置長太息山僧類有道
辛苦常谷汲我慙作機春鑿破混沌穴幽尋恐不繼書板記歲月
轍有白髮近二十年矣然止百餘莖不增不減虔州道人土正
彥教令拔去以真水火養之恐不復更生從其言已數月而白
髮不出更年歲不見豈真不生耶予瞻兄示我月中梳頭詩戲
次來韻言拔白之驗附錄子由詩并序

水上有車車自翻懸流如線垂前軒霜蓬已枯不再綠有客勸我
抽其根根根一去紫茸苗珍重已試幽人言紛紛華髮不足道當
返六十過去魂

和

夏畦流膏白雨翻北窓幽人臥羲軒風輪曉入春筍節露珠夜上

秋禾根

或爲子言草木之長常在昧明間蚤作而伺之乃見其枝
起數寸竹笋尤甚又夏秋之交稻方含秀黃昏月出露珠

起于其根纍纍然忽自騰上若有推之者或入于莖心或垂于葉
端稍乃秀實驗之信然此二事真子由養生之說契故以此爲寄

從來白髮有公道始信丹經非妄言此身法報本無二他年妙絕

兼形魂

十一月九日夜夢與人論神仙道術因作一詩八句既覺

記其語錄呈子由弟後四句不甚明了今足成之耳

析塵妙質本來空

夢中於此句若
了然有所得者

更積微陽一綫功照夜一燈長

耿耿閉門千息自濛濛養成丹竈無煙火點盡人間有暈銅寄語

山神停伎倆不聞不見我何窮

童質夫送酒六壺書至而酒不達戲作小詩問之

白衣送酒舞淵明急掃風軒洗破觥豈意青州六從事化爲烏有

一先生空煩左手持新蟹漫繞東籬歟落英南海使君今北海定

分百榼餉春耕

殘臘獨出二首

幽尋本無事，獨往意自長。
釣魚豐樂橋，採杞逍遙堂。
羅浮春欲動，雲日有清光。
處處野梅開，家家臘酒香。
路逢眇道士，疑是左元放。
我欲從之語，恐復化爲羊。

其二

江邊有微行，詰曲背城市。
平湖春草合，步到栖禪寺。
堂空不見人，老穉掩關睡。
所營在一飽，食已寧復事。
客來豈無得，施子淨掃地。
風松獨不靜，送我作鼓吹。

新年五首

曉雨暗人日，春秋蓮上元。
水生挑菜渚，煙濕落梅村。
小市人歸盡，孤舟鶴蹋翻。
猶堪慰寂寞，漁火亂黃昏。

其二

北渚集群鷺，新年何所之。
盡歸喬木寺，分占結巢枝。
生物會有役，謀生各及時。
何當禁畢弋，看引雪衣兒。

其三

海國空自暖，春山無限清。
冰綰結蓮雨，雪菌到江城。
更待輕雷發，先催凍笋生。
豐湖有藤菜，似可敵蓴羹。

其四

東坡集卷之十一
小邑浮橋外青山石岸東茶槍燒後有麥浪水前空萬戶不禁酒
三年真識翁結茆來此住歲晚有誰同

其五

荔子幾時熟花頭今已繁探春先揀樹買夏欲論園居士常携客
參軍許扣門明年更有味懷抱帶諸孫

食荔枝二首 并引

惠州太守東堂祠故相陳文惠公堂下有公手植荔枝一株郡人
謂將軍樹今歲大熟賞啖之餘下逮吏卒其高不可致者縱猿取
羅浮山下四時春盧橘楊梅次第新日啖荔枝三百顆不妨長作

嶺南人

遷居 有引

吾紹聖元年十月二日至惠州寓合江樓是月十八日遷于嘉
祐寺二年三月十九日復遷于合江樓三年四月二十日復歸
于嘉祐寺時方卜築白鶴峯之上新居成庶幾其少安乎

前年家水東回首夕陽麗去年家水西濕面春雨細東西兩無擇
緣盡我輒逝今年復東徙舊館聊一憩已買白鶴峰規作終老計
長江在北戶雪浪舞吾砌青山滿墻頭髮鬢幾雲髻雖慙抱朴子
金鼎陋蟬蛻猶賢柳柳州廟俎薦丹荔吾生本無待俯仰了此世

念念自成劫塵塵各有際下觀生物息相吹等蚊蚋

悼朝雲詩并引

紹聖元年十一月戲作朝雲詩二年七月五日朝雲病亡於惠州葬之栖禪寺松林中東南直大聖塔予既銘其墓且和詩以自解朝雲始不識字晚忽學書粗有楷法蓋嘗從泗上比丘尼義冲學佛亦略聞大義且死誦金剛經四句偈而絕

苗而不秀豈其天不使童烏與我玄駐景恨無千歲藥贈行唯有小乘禪傷心一念償前債彈指三生斷後緣歸臥竹根無遠近夜燈勤禮塔中仙

丙子重九二首

三年瘴海上越嶠真我家登山作重九蠻菊秋未花唯有黃茱根堆壠生坳窠涎酒蘖衆毒酸酣如梨穢何以侑一罇隣翁餽畫蛇亦復強取醉歡謠雜悲嗟今年吁惡歲僵仆如亂麻此會我雖健狂風卷朝霞使我如霜月孤光挂天涯西湖不欲往墓樹號寒鴉

其二

窮塗不擇友過眼如亂雲餘子誰復數坐閱兩使君共飲去年堂俯看秋水紋此水與此人相追兩法法老去各休息造物嗟長勤佳哉此令節不惜與子分何以娛我客游魚在清瀆水師三百指

鍊網欲掩群獲多雖一快買放尤可欣此樂真不朽明年我歸耘
白鶴峰新居欲成夜過西隣翟秀才

舊聞畢卓防偷酒壁後匡衡不點燈待鑿平江百尺井要分清暑
一壺冰佐卿恐是歸來鶴次律寧非過去僧他日莫尋王粲宅夢
中來往本何曾

次韻子由所居六詠

堂前種山丹錯落馬腦盤堂後種秋菊碎金收辟寒草木如有情
慰此芳歲闌幽人正獨樂不知行路難

其二

詩人故多感花發憶兩京石榴有正色玉樹具虛名粲粲秋菊花
卓爲霜中英莫槃照重九纈蓋兩鮮明

其三

幽居有古意義井分西墻誰言三伏熱止須一盃涼先生坐恐渴
群鷺自披猖衆散餘酌飲逡巡味尤長

其四

先生飯土墻無物與劉叉何以娛醉客時躡砌下花井水分西隣
竹陰借東家蕭然行脚僧一身寄天涯

其五

東齊手種柏今復幾尺長知有桓司馬榛莠爲遮藏近聞南臺松
新枝出餘僵年來此懷抱豈復驚凡亡

其六

新居已覆瓦無復風雨憂種栽與籠竹小詩亦可求尙欲煩一師
刺山出飛流應須鑿百尺兩艘載一牛

白鶴山新居鑿井四十尺遇盤石石盡乃得泉

海國困烝溽新居利高寒以彼陟降勞易此寢處乾但苦江路峻
常慙汲屢酸矻矻煩四夫礲礲斷層巒彌旬得尋丈下有青石磐
終日但迸火何時見飛瀾豐我粲與醪利汝椎與鑽山石有時盡
我意殊未闕今朝僮僕喜黃土復可搏晨餅得雪乳莫嚮渟水滯
我生類如此何適不艱難

三月二十九日二首

南嶺過雲開紫翠北江飛雨送淒涼酒醒夢回春盡日閉門隱几
坐燒香

其二

門外橘花猶的皜墻頭荔子已爛斑樹暗草深人靜處卷簾欹枕
臥看山

吾謫海南子由雷州被命卽行了不相知至梧乃聞其尙在

藤也旦夕當追及作此詩示之

九疑聯綿屬衡湘蒼梧獨在天一方孤城吹角煙樹裏落月未落
江蒼茫幽人拊枕坐歎息我行忽至舜所藏江邊父老能說子白
鬚紅頰如君長莫嫌瓊雷隔雲海聖恩尚許遙相望平生學道真
實意豈與窮達俱存亡天其以我為箕子要使此意留要荒他年
誰作輿地志南海萬古真吾鄉

行瓊儋間肩輿坐睡夢中得句云千山動鱗甲萬谷酣笙鐘
覺而遇清風急雨戲作此數句

四州環一島百洞蟠其中我行西北隅如度月半弓登高望中原
但見積水空此生當安歸四顧真途窮眇觀大瀛海坐詠談天翁
茫茫太倉中一米誰雌雄幽懷忽破散永嘯來天風千山動鱗甲
萬谷酣笙鐘安知非群仙釣天真未終喜我歸有期舉酒屬青童
急雨豈無意催詩走群龍夢雲忽變色笑雷亦改容應怪東坡老
顏衰語徒工久矣此妙聲不聞蓬萊宮

次前韻寄子由

我少即多難遄回一生中百年不易滿寸寸彎強弓老矣復何言
榮辱今兩空泥洹尚一路所向餘皆窮似聞崆峒西仇池迎此翁
胡為適南海復駕垂天雄下親九萬里浩浩皆積風回望古合州

屬此琉璃鐘離別何足道我生豈有終渡海十年歸方鏡照兩童
還鄉亦何有暫假壺公龍我眉向我笑錦水爲君容天人巧相勝
不獨數子工指點昔游處蒿萊生故宮

安期生 并引

安期生世知其爲仙者也然大史公曰蒯通善齊人安期生生嘗
以策干項羽羽不能用羽欲封此兩人兩人終不肯受亡去子每
讀此未嘗不廢書而歎嗟乎仙者非斯人而誰爲之故意戰國之
士如魯連虞卿皆得道者歟

安期本策士平日交蒯通嘗干重瞳子不見隆準公應如魯仲連
抵掌吐長虹難堪踞牀洗寧挹損鼎雄事既兩大綦飄然籛遺風
乃知經世士出世或乘龍豈比山澤臞忍饑啖柏松縱使偶不死
正堪爲僕僮茂陵秋風客望祖猶蟻蠹海上如瓜棗可聞不可逢

夜夢 并引

七月十三日至儋州十餘日矣澹然無一事學道未至靜極生愁
夜夢如此不免以書自怡

夜夢嬉游童子如父師檢責驚走書計功當畢春秋餘今乃始及
桓莊初怛然悸寤心不舒起坐有如挂鈎魚我生紛紛嬰百緣氣
固多習獨此偏棄書事君四十年仕不顧留書繞纏自視汝與丘

東坡集卷之二十一
孰賢易常三絕丘猶然如我當以犀革編

客俎經旬無肉又子由勸不讀書蕭然清坐乃無一事

病怯腥醜不買魚爾來心腹一時虛使君不復憐烏攫屬國方將掘鼠餘老去獨收人所棄游哉時到物之初從今免被孫郎笑絳帕蒙頭讀道書

宥老褚

我墻東北隅張王維老穀樹先樗櫟大葉等桑柘沃流膏馬乳漲墮子楊梅熟胡爲尋丈地養此不材木蹶之得輿薪規以種松菊靖言求其用略數得五六膚爲蔡候紙子入桐君錄黃繒練成素

黝面頰作玉灌灑蒸生菌腐餘光吐燭雖無傲霜節幸免狂醒毒孤根信微陋生理有倚伏投斧爲賦詩德怨聊相贖

觀碁

并引

予素不解碁嘗獨游廬山白鶴觀觀中人皆闔戶晝寢獨聞棋聲於古松流水之間意欣然喜之自爾欲學然終不解也兒子過乃粗能者澹守張中日從之戲子亦隅坐竟日不以爲厭也

五老峰前白鶴遺趾長松蔭庭風日清美我時獨游不逢一士誰歟棋者戶外屨二不聞人聲時聞落子紋稱坐對誰究此味空鈎意鈎豈在魴鯉小兒近道劄啄信指勝固欣然敗亦可喜優哉游

哉聊復爾耳

糴米

糴米買束薪百物資之而不緣耕樵得飽食殊少味再拜請邦君
願受一廛地知非笑昨夢食力免內愧春秋幾時花夏禪忽已穰
悵焉撫耒耜誰復識此意

東亭

仙山佛國本同歸世路玄關兩背馳到處不妨閑卜築流年自可
數期願遙知小檻臨塵雨定有新松長棘茨誰道茆簷劣容滕海
天風雨看紛披

東樓

白髮蒼顏自照盆董生端合是前身獨栖高閣多辭客為著新書
未絕鱗小醉易醒風力軟安眠無夢雨聲新長歌自調真堪笑底
處人間是所欣

椰子冠

天教日飲欲全絲美酒生林不待儀自漉疎巾邀醉客更將空殼

付冠師前漢高紀注云薛有作冠師

摹簡古人爭看簪導輕安髮不知更著

短簷高屋帽東坡何事不違時



東坡集卷八十一

三



